



REPUBLIKA E KOSOVËS - REPUBLIKA KOSOVA - REPUBLIC OF KOSOVO
KËSHILLI GJYQËSOR I KOSOVËS - SUDSKI SAVET KOSOVA - KOSOVO JUDICIAL COUNCIL
PANELI ZGJEDHOR PËR ANKESA DHE PARASHTRESA
IZBORNI PANEL ZA ŽALBE I PREDSTAVKE - ELECTION COMPLAINTS AND APPEALS PANEL

A.nr.590/2025

PANELI ZGJEDHOR PËR ANKESA DHE PARASHTRESA, në panelin e përbërë nga gjyqtarët: Kymete Kicaj, kryesuese, Skender Çoçaj dhe Arsim Hamzaj anëtarë, duke vendosur lidhur me ankesën e kandidatës për deputete nga radhët e Subjektit Politik, Lidhja Demokratike e Kosovës (LDK), Rrezarta Krasniqi, dega në Vushtrri të paraqitur kundër, komisionerëve të Komisionit Komunal të Zgjedhjeve (KKZ), Vushtrri, për shkak të parregullsive gjatë numërimit në Qendrën Komunale të Numërimit (QKN), Vushtrri për Zgjedhjet e Përgjithshme të Kuvendit të Republikës së Kosovës, të mbajtura më datë 09 Shkurt 2025, në seancën e panelit të mbajtur më datë 18.02.2025, merr këtë,

V E N D I M

REFUZOHEN të pabazuara ankesat A.nr.590/2025 dhe A.nr.594/2025, të parashtruara nga kandidatjapër deputete nga subjekti politik Lidhja Demokratike e Kosovës (LDK), me seli në Prishtinë, Rrezarta Krasniqi paraqitur kundër komisionarëve në QKN, Vushtrri për shkak të parregullsive gjatë numërimit, për zgjedhjet për Kuvendin e Republikës së Kosovës, të datës 09 Shkurt 2025.

A r s y e t i m

PZAP-i, ka pranuar ankesat me numër A.nr.590/2025 dhe A.nr.594/2021 të datës 16.02.2025, nga kandidatja për deputete nga radhët e subjekti politik Lidhja Demokratike e Kosovës (LDK), Rrezarta Krasniqi.

Në ankesën, Anr.590/2025, pretendohet se komisioneri, Betim Grabanica në Qendrën Komunale të Numërimit (QKN) në komunën e Vushtrrisë më datë 13.02.2025,14.02.2025 dhe 15.02.2025, ka qëndruar në QKN, gjatë tërë procesit të numërimit në dy ndërrimet dh a ka lëvizur në të gjitha tavolinat me të cilën dyshojnë se në Vendvotimet 2704/08 dhe 2702/5 ka pasur ndërhyrje në votat e kandidatëve të LDK-së.

Në ankesë kërkojnë që personi në fjalë të përjashtohet dhe këto dy vendvotime të rinumërohen.

Në ankesën, Anr.594/2025, pretendohet se komisionerët, Betim Grabanica, Enis Maxhuni, Andrit Tahiri dhe Remzi Sokoli, në Qendrën Komunale të Numërimit (QKN) në komunën e Vushtrrisë më datë 13.02.2025,14.02.2025,15.02.2025 dhe 16.02.2025, kanë bërë keqpërdorime gjatë numërimit të votave, ashtu që kundërligjshëm kanë ndërhyrë në proces të

numërimin të votave, me të cilën dyshojnë që në të gjitha vendvotimet ka pasur ndërhyrje në votat e kandidatëve të subjektit politik LDK, ashtu që Betim Grabanica ka qëndruar në të dy ndërrimet, ndërsa Enis Maxhuni, Andrit Tahiri dhe Remzi Sokoli kanë qëndruar gjatë ndërrimit të natës, gjatë të cilave periudha dyshojnë se kanë ndodhur këto keqpërdorime. Më tutje në ankesë theksojnë se Andrit Tahiri dhe Remzi Sokoli janë familjar të njërit prej kandidatëve për deputet nga LDK-ja, ku theksohet se Andriti është djali i vëllait të kandidatit për deputet, kurse Remzi është dhëndri i këtij kandidati.

Kërkojnë nga PZAP-, të rinumërohen të gjitha VV që janë numëruar deri më tani.

Më datë 18.02.2025 kandidatja në fjalë ka dorëzuar në PZAP dëshmi shtesë lidhur me Ankesën A.nr. 594/2025 ku theksohet se në ankesë ka kërkuar që si provë të merren kamerat që janë të vendosura në QKN, Vushtrri. Më tutje thekson se në kohën e dorëzimit të ankesës nuk ka qenë në njohuri në lidhje me këtë provë të cilën e propozoi përmes kësaj parashtrëse. Përmes kësaj parashtrëse ka kërkuar që të dëgjohet personi-zyrtari i KQZ-së, Vushtrri, Shkëlzen Osmani i cili do të vërtetojë faktet e parashtruara në ankesë me të cilën ka shënuar edhe të dhënat kontaktuese të personit në fjalë.

Në përgjigje në ankesë të paraqitur me datë 17.02.2025, nga Komisioni Qendror i Zgjedhjeve (KQZ) theksohet se KQZ, pas shqyrtimit të ankesave dhe pretendimeve të palës ankuese në lidhje me kërkesën jep sqarimet/ përgjigjet si më poshtë: Duke u bazuar në nenin 3 paragrafi 1.38 të Ligji Nr. 08/L-228 për Zgjedhjet e Përgjithshme në Republikën e Kosovës, Qendra Komunale e Numërimit (QKN) - do të thotë lokacioni në secilën komunë ku numërohen fletëvotimet dhe votat e kandidateve të subjekteve politike, në mënyrë transparente në prani të vëzhguesve dhe personave të tjerë të akredituar, si dhe bazuar në nenin 5 paragrafi 1.4 të Rregullores Zgjedhore Nr.16/2024 Qendrat Komunale të Numërimit, ndër Funkcionet e QKN është edhe numërimi i fletëvotimet dhe votave të kandidatëve të subjekteve politike.

Më tutje njoftojnë se KQZ, pas pranimit të kërkesës së PZAP, menjëherë ka kontaktuar me KKZ-në e komunës së Vushtrrisë, duke pranuar përgjigjet dhe sqarimet si në vijim:

KKZ, e komunës së Vushtrrisë, ka njoftuar KQZ-në, lidhur me ankesën kërkesën në A.nr.590 dhe 594/2025, të datës 16.02.2025, e palës ankuese për vendvotimin si në vijim:

Sa i përket ankesës së paraqitur ndaj numëruesit Betim Grabanica për datat 13 dhe 14 shkurt 2025, në punën e tij në QKN në komunën e Vushtrrisë, lidhur me vendvotimet 2726/01, 2704/08, dhe 2702/05, si KKZ nuk kemi pranuar ankesë nga bashkë numëruesit e tij në grup apo grupet tjera përreth, e as nga vëzhguesit lidhu me punën e tij.

Si provë në përgjigje është: Përgjigja e dërguar nga KKZ Vushtrri me datën 16.02.2025, lidhur me 590/2025

Ndërsa lidhur me pretendimet në ankesën A.nr.594/2025, KQZ ka theksuar se sa i përket numërimit ku kanë punuar numëruesit e cekur në ankesë, zi Betim Grabanica, Enis Maxhuni, Andrit Tahiri dhe Remzi Sokol në QKN në Vushtrri, janë shënime në librin e shënimeve në QKN dhe Formularët e zgjedhjeve FRS dhe FRK të krijuar si rezultat i punës së tyre në grupe gjatë ditëve të numërimit në QKN. Si KKZ nuk kanë pranuar ankesë nga bashkë numëruesit e tij në grup apo grupet tjera përreth, e as nga vëzhguesit lidhur me punën e tij.

Si provë në përgjigje është: Përgjigja e dërguar nga KKZ Vushtrri me datën 16.02.2025, lidhur me 594/2025. Në vazhdim të përgjigjes theksohet se gjithashtu gjatë procesit të verifikimit të votave të subjekteve politike dhe numërimit të votave të kandidatëve të subjekteve politike të gjitha formularët e rezultateve për subjekte politike dhe kandidaten janë nënshkruar pa kurrfarë vërejtje nga ekipet e numërimit për të gjitha tavolinat e numërimit kua ata kanë numëruar.

Si provë në përgjigje: Formularët e rezultateve të subjekteve politike (FRS) dhe Formularët e rezultateve të kandidatëve (FRK) ku kanë punuar ky ekip i numërimit

Mëtutje në përgjigje theksohet se KKZ, nuk ka pranuar asnjë raport, informatë, apo shprehje të pakënaqësive eventuale nga vëzhguesit e partive politike dhe vëzhguesit ndërkombëtar as në ditën e zgjedhjeve, gjatë procesit të numërimit të votave për kandidat në QKN, dhe se për këtë KKZ nuk ka hasur në asnjë provë apo dëshmi eventuale për apo lidhur me pretendimet e palës ankuese. Në vazhdim KQZ, njofton se i gjithë materiali zgjedhor duk përfshirë edhe kamerat e sigurisë, momentalisht gjendet në QKN të komunave përkatëse, mirëpo pas përfundimit të gjithë procesit të punës së QKN i njëjti material zgjedhor dorëzohet nga QKN në Qendrën e Numërimit dhe Rezultateve -QNR, dhe të njëjtat mund të verifikohen dhe hetohen nga PZAP dhe organet drejtësisë.

Kërkojnë nga Paneli Zgjedhor për Ankesa dhe Parashtrësia (PZAP) që pretendimet e palës ankuese t'i hedhë si të pabazuar.

Paneli, në kuptim të nenit 9 paragrafi 5, nën paragrafi 5.5 të Rregullores Nr. 01/2024, për Procedurat e Parashtrimit dhe Vendosijes së Ankesave të PZAP-it, dhe nenit 84 paragrafi I të Ligjit Nr. 05/1,-031, për Procedurën e Përgjithshme Administrative, me qëllim të ekonomizimit të procedurës, ankesat e evidentuara me numrat si ne vijim: A.nr.590/2025 dhe A.nr.594/2025 të datës 16.02.2025, janë bashkuar dhe janë trajtuar me një vendim, andaj procedimi i këtyre ankesave evidentohen nën shenjë e përbashkët Anr.590/2025, për shkak të natyrës së njëjtë të çështjeve të parashtruara nga i njëjti subjekt politik për shkeljen e njëjtë, si për nga përmbajtja ashtu edhe për nga kërkesat e paraqitura të ankesave.

Paneli pasi që shqyrtoj ankesat dhe përgjigjen në ankesë vlerësoi se :

-Ankesat janë të pabazuara.

Paneli pas shikimit të shkresave të lëndës dhe përgjigjeve në ankesë të paraqitur nga KQZ-ja, vlerësoj se pretendimet e kandidates për deputete, Rrezarta Krasniqi të subjektit politik Lidhja Demokratike e Kosovës (LDK), janë të pa qëndrueshme dhe si të tilla i refuzoj për faktin se nga veprimet e përshkruara në ankesë nuk është arritur që të vërtetohen se ka pasur parregullsi në Qendrën Komunale të Numërimit (QKN) në Vushtrri, nga komisionerët e lartcekur.

Pretendimet ankimore të parashtruesës së ankesave me numër A.nr 590/2025 dhe A.nr 594/2025, me të cilën thekson se në Qendrën Komunale të Numërimit (QKN), Vushtrri, janë bërë keqpërdorime gjatë numërimit të votave dhe kundërligjshëm kanë ndërhyrë në proces të

numërimin nga komisionerët, Betim Grabanica, Enis Maxhuni, Andrit Tahiri dhe Remzi Sokoli, Paneli i vlerësor se janë të pa qëndrueshme dhe si të tilla i refuzoj, për faktin se parashtruesja e ankesave në mbështetje të pretendimeve të saj, nuk ka ofruar dëshmi të qarta dhe bindëse lidhur me shkeljet e supozuara, edhe pse me kuptim të nenit 117 paragrafi 3 të LZP-së, barra e të provuarit bie mbi ankuesin dhe në rastin konkret, paneli, nuk mundi të konstatojë se ka pasur manipulime gjatë numërimit të votave në QKN të komunës së Vushtrrisë.

Po ashtu edhe nga përgjigja e KQZ-së, vërehet se nuk qëndrojnë pretendimet e parashtruara me ankesë sepse nuk është pranuar asnjë raport, informatë, apo shprehje të pakënaqësive eventuale nga vëzhguesit e partive politike dhe vëzhguesit ndërkombëtar as në ditën e zgjedhjeve, gjatë procesit të numërimit të votave për kandidat në QKN, dhe as Formularët e rezultateve të subjekteve politike (FRS) dhe Formularët e rezultateve të kandidatëve (FRK) të ofruara në përgjigje nuk vërehet asnjë shënim apo vërejtje në Librin e Shënime në QKN, në Komunën e Vushtrrisë.

Andaj, Paneli vlerësoi se ankesat e parashtruara nga Rrezearta Krasniqi, kandidate për deputete e subjektit politik Lidhja Demokratike e Kosovës (LDK), janë të pabazuara pasi që nga provat e ofruara si dëshmi të cilat parashtruesja e ankesave i ka bashkangjitur dhe nga përgjigja e KQZ-së, nuk mund të vërtetohen shkeljet e pretenduara për të cilat referohet pala ankuese. Andaj duke u mbështetur në nenin 117.3 të LZP-së ku përcaktohet se: "*Vendosja për ankesat nga PZAP-ja mbështetet në dëshmi të qarta dhe bindëse*", Paneli vlerësoi se pretendimet e tilla janë të pa qëndrueshme dhe si të tilla i refuzoj, për faktin se nga veprimet e përshkruara në ankesa dhe nga provat e ofruara si dëshmi parashtruesi i ankesave nuk ka arritur që të vërtetojë pretendimet e theksuara si më lartë. Nga arsyet e theksuar më lartë duke bazuar në nenin 117 par. 3, neni 118 par.1 të LZP-së, Paneli vendosi si në dispozitiv të këtij vendimi.

Paneli Zgjedhor për Ankesa dhe Parashtrësia

A.nr. 590/2025 më datën 18.02.2025



Këshilla Juridike: *Kundër këtij vendimi është e lejuar ankesa sipas nenit 118 paragrafi 4 të LZP-së, në Gjykatën Supreme të Kosovës, brenda dyzet e tetë (48) orëve nga momenti i marrjes-pranimin të këtij vendimi.*